

欽定石渠寶笈三編

欽定石渠寶笈三編

養心殿藏二

皇上御筆

書左傳楚武王侵隨

庚申一冊

書左傳晉悼公盟諸侯于戲

庚申一冊

書左傳鄭子產獻捷于晉

庚申一冊

書左傳齊晏嬰諫褻褻

庚申一冊

書蘇軾臘日遊孤山詩

庚申一軸

書咸有一德

庚申一卷

臨樂毅論

庚申一冊

書荀勗省吏議

庚申一冊

書唐人早朝詩

庚申一冊

盛京詩

乙丑一冊

盛京頌

乙丑一冊

御書左傳楚武王侵隨 一冊

本幅金粟牋本。摺裝八幅。皆縱六寸四分。橫六寸五分。

御筆楷書左傳楚武王侵隨

經文不錄

庚申初冬御筆。鈐寶二。嘉慶御筆。藝與道兼。

朱珪恭跋

臣聞忠信者人君所以孚格羣黎而綱紀上下者也。聖王以禮宰庶政而必本於忠信。易

繫辭傳曰。天之所助者順也。民之所助者信也。履信思乎順。是以自天佑之。然後達乎天。民之交通乎幽明之故。孔子曰。使民如承大祭。則合而言之義更精矣。左氏所載諸國賢臣之言。最為近古。如季梁云。成民而後致力於神。以民事為本。而以神格為符。知所先務矣。三禮莫詳於事神。豈以為繁文而干福哉。誠知民神呼吸相通。而天人聰明相應。故曰。

天視自我民視。天聽自我民聽。又曰。我戰必克。祭則受福。其于民也。絜其好惡而施措。謹之。是以惟動丕應。徯志不待卜筮。有從而無違也。我。

皇上念切民依。而敬事昭格之誠。基於宥密。秩於肸鬯。真所謂有嘉德而無違心者。自然民和而神福之。庶徵時叙。而四表會極。

御書內傳陳之

座右若所無逸而繪豳風也。抑思列國嘉謨嘉猷。小用之則小效。如隨侯懼而修政。楚不敢伐者是已。其弊在不能設誠而致行之。三代以後。昭鑒灼然。未有

念茲在茲。一誠貫乎萬幾。如

今日者也。臣曷勝心服額頌之至。臣朱珪恭跋。
鈐印二。臣珪。

鑒藏寶璽。寶笈三編。石渠寶笈所藏。養心殿寶為

君難

御書左傳晉悼公盟諸侯于戲一冊

本幅金粟牋本。摺裝八幅。皆縱六寸四分。橫六寸五分。

御筆楷書左傳晉悼公盟諸侯于戲不經錄文

庚申初冬御筆鈐寶二。嘉慶御筆。甄與道兼。

朱珪恭跋

臣聞招攜以禮。懷遠以德。晉楚爭鄭。屢矣。悼公盟諸侯于戲。鄭未心服也。知武子曰。我實

不德。而要人以盟。豈禮也哉。其克己也。忠。其責人也。恕。故曰。我之不德。民將棄我。豈唯鄭可謂知本矣。於是晉侯歸。謀所以息民。魏絳請施舍。國無滯積。亦無困人。公無禁利。亦無貪民。乃修儉德。祈以幣。更賓以特牲。器用不作。車服從給。行之期年。國乃有節。三駕而楚不能與爭。遂服鄭。而成霸業。竊謂春秋列辟。惟晉悼最為近道。其用人也。六官之長皆民。

譽○魏絳○我其弟之僕而不遷怒○用其和戎之
策而遠人歸○城虎牢○修德息民而服楚○何其
正也○幾與舜禹之舜干文王之因壘同功○所
謂自勝者強○治內者無敵也○天下豈有民安
國治而標末不理○心志清○元氣固而四肢不
喻者哉○我

皇上自強不息○綱舉目張○求民之莫○若恫瘝之在
已○自然時和歲豐○而萑苻若振箝而風靡也○

御書此篇。蓋有會乎德禮不易。無人不懷之指。而
明政刑詰戎兵之道。賅焉傳又曰。君子勞心。
小人勞力。先王之制也。亦可與先憂後樂思
難圖易之義相發明。故有取云爾。臣朱珪恭
跋。鈐印二。臣珪。

鑒藏寶璽寶笈三編。石渠寶笈所藏養心殿寶為
君難。

御書左傳鄭子產獻捷于晉 一冊

本幅金粟牋本。摺裝八幅。皆縱六寸四分。橫

六寸五分。

御筆楷書左傳鄭子產獻捷于晉。

經文不錄

庚申初冬御筆鈐寶二。嘉慶御筆。甄與道魚。

朱珪恭跋

臣惟春秋列卿。惟國僞最近道。其文博物而
足以救敝。其武善謀而足以折衝。不侮鰥寡。

不畏強禦。柔不茹而剛不吐。故孔子亟稱之。
曰有君子之道四。又曰惠人也。司馬遷列之。
循吏之首。即其伐陳獻捷一節。先是陳侯從。
楚伐鄭。當陳隧者。井埋木。刊曲在陳矣。鄭伯。
稽首乞師于晉。而未獲命。于是帥車七百乘。
伐陳。宵突陳城入之。子產親御諸門。數俘而。
出。祝褰社。司徒致民。司馬致節。司空致地。可。
謂節制之師矣。于是獻捷于晉。稱先王之典。

以致辟獻功。舉城濮之命。而我服將事。士弱不能詰。而趙文受其順。孔子許其言。文而行遠。以為修辭之慎也。其視呂相絕秦之篇。面詐背不汗者。不可同年而語矣。又其所稱天子之地。一圻列國一同。自是以衰者。實與孟子封建之地數。脗合。足以証周禮五百里明堂位七百里之誇誕。而不足據。此又述古制者之信。而可徵者也。我

皇上錄此一則以備

幾暇繹覽。其有意乎其人。與其辭之典與。才如鄭
僑。當鄭國之亟。而盤錯裕如。然則學古入官
者。當何如。勉猷為而厲廉幹。以應

聖世之需乎。臣朱珪恭跋鈐印二。臣珪

鑒藏寶璽寶笈三編石渠寶笈所藏養心殿寶為
君難。

御書左傳齊晏嬰諫禳旱一冊

本幅金粟牋本。摺裝八幅。皆縱六寸四分。橫六寸五分。

御筆楷書左傳齊晏嬰諫禳旱。經文並題不錄

錄左氏文偶誌。幾暇。明窗習字。宜素耽左氏玩佳辭。探尋跋語。資匡弼。宛似經帷討論時。

庚申初冬御筆。鈐寶二。嘉慶御筆。甄興道魚。

朱珪恭跋

臣聞禮所以格天心○定民志○敘人倫○制僭竊
者也○齊侯使祝史禳彗○而晏子止之○防陳氏
竊柄之漸○而曰惟禮可以已之○是知本矣○自
古濟水做予○所以開唐虞也○祥桑雉雉○所以
啟殷宗也○風雷拔木○所以覺成王也○彗者除
舊布新之象○景公不克自新其德○而聽陳氏
之厚施○得民○其視宋公一言三善而憂感退
舍者○相去遠矣○至於孔子之對景公問政曰○

君君臣臣父父子子。此即齊一變至於魯之說。蓋魯猶秉周禮。故三家猶有所忌憚而不敢肆逆。齊則內外競寵民人苦病。外強而中乾。雖有晏嬰直諍。說不繹而從不改。所以難也。禮為制心經國之本。君子以之自強。先王所稟於天地。以為其民也。日星以為紀。人情以為田。風雨從而庶徵。敘倫物察而百度。身惟皇建極。故臣無僭忒。民無反側。以是敘敷。

而錫保也。我

皇上熟於左氏春秋。

御書各篇而誌之以詩。

聖學日新。緝熙於光明。其寓諸斯乎。學古知新。

措政宜。

聖情虛益見乎辭。惟慙荒落隨。

香案黽拜。

文謨武定時。臣朱珪恭跋敬和鈐印二。臣珪。

鑒藏寶璽寶笈三編石渠寶笈所藏養心殿寶為
君難

御書蘇軾臘日遊孤山詩 一軸

本幅紙本縱一尺四寸橫三寸四分

御筆行書並識

天欲雪。雲滿湖。樓臺明滅。山有無。水清出石。
魚可數。林深無人。鳥相呼。臘日不歸對妻孥。
名尋道人實自娛。道人之居在何許。寶雲山
前路盤紆。孤山孤絕誰肯廬。道人有道山不
孤。紙窗竹屋深自煖。擁褐坐睡依團蒲。天寒

路遠愁僕夫。整駕催歸及未晡。出山迴望雲
木合。但見野鵲盤浮圖。茲遊淡泊歡有餘。到
家恍如夢遽遽。作詩火急追亡逋。清景一失
後難摹。

蘇軾詩。嘉慶庚申孟冬望日。御筆鈐寶二。嘉慶
鑒藏寶璽寶笈三編。石渠寶笈所藏。

御書咸有一德一卷

本幅紙本縱五寸三分橫二尺四寸五分

御筆楷書咸有一德

經文不錄

嘉慶庚申十月月既望御筆鈐寶二會心不遠
德充符

朱珪恭跋

臣聞堯舜之授受也曰惟精惟一者何也
誠也仲虺之頌湯曰懋昭大德建中于民曰

不通聲色。不殖貨利用。人惟己。改過不吝。孟子之稱伊尹曰。非其義。非其道。一介不與。不取。思匹夫匹婦有不與被堯舜之澤者。若已推而納諸溝中。自任以天下之重也。此所謂尹躬暨湯。咸有一德之實也。伊尹將以其事湯者。責難於太甲。故是篇反復申明言一德之所以篤天祐。致民歸。而二三之不可以任賢才正左右也。其言深切著明。沁心脾而光

日月誠萬世治忽之金鑑也。竊思人君深居九重。日理萬幾。而但曰德惟一不析舉其事。不肯指其人。何所操握而應天下之萬變哉。故必主善為師。曰一哉王心。實體之於夙夜。宥密之中。精察之於聽言用人之際。其必有主矣。而行之更以誠。亦可以謏天命而協民心矣。我

皇上體誠得一敬

天繼

志誠所謂協於克一者與臣朱珪恭跋鈐印二臣珪

引首

御書執中求治鈐寶一嘉慶御筆

鑒藏寶璽寶笈三編石渠寶笈所藏

御臨樂毅論 一冊

本幅高麗箋本。摺裝八幅。皆縱三寸九分。橫五寸七分。

御筆楷書臨樂毅論。不帖錄。並識。

嘉慶庚申仲冬月上澣御臨鈐寶二。嘉慶。

鑒藏寶璽寶笈三編石渠寶笈所藏嘉慶御筆之寶。執兩用中。

御書荀勗省吏議一冊

本幅金粟牋本。摺裝二十四幅。皆縱一寸七分。橫二寸八分。

御筆楷書並識

省吏議荀勗。省吏不如省官。省官不如省事。省事不如清心。昔蕭曹相漢。載其清靜。致畫一之歌。此清心之本也。漢文垂拱。幾致刑措。此省事也。先武并合吏員。縣官國邑。裁置

十一。此省官也。魏太和中。遣王人四出。減天下吏員。正始中。亦并合郡縣。此省吏也。今必欲求之於本。則宜以省事為先。凡居位者。使務思蕭曹之心。以翼佐大化。篤義行。崇敦睦。使昧寵忘本者。不得容。而偽行自息。浮華者。懼矣。重敬讓。尚止足。令賤不妨貴。少不陵長。遠不閒親。新不閒舊。小不加大。淫不破義。則上下相安。遠近相信矣。位不可以進。趨得譽。

不可以朋黨求。則是非不妄。而明官人不惑於聽矣。去奇技。抑異說。好變舊。以徼非常之利者。必加其誅。則官業有常。人心不遷矣。事留則政稽。政稽則功廢。處位者而孜孜不怠。奉職司者而夙夜不懈。則雖在挈瓶。而守不假器矣。使信若金石。小失不害大政。忍忿悁以容之。簡文案。略細苛。令之所施。必使人易視聽。願之如陽春。畏之如雷震。勿使微文煩。

撓為百吏所黷。二三之命為百姓所廢。則吏竭其誠。下悅上命矣。設官分職。委事責成。君子心競而不力爭。量能受任。思不出位。則官無異業。政典不奸矣。凡此皆愚所謂省事之本也。苟無此愆。雖不省吏。天下必謂之省矣。若欲省官。私謂九寺可并於尚書。蘭臺宜省付三府。然施行歷代世之所習。是以久抱愚懷。而不敢言。至於省事。實以為善。若直作大

例皆減其半。恐文武衆官。郡國職業。及事之興廢。不得皆同。凡發號施令。典而當則安。儻有駁者。或至壅否。凡職所臨履。先精其得失。使忠信之官。明察之長。各裁其中。先條上言之。然後混齊大體。詳宜所省。則令下必行。不可搖動。如其不爾。恐適惑人聽。比前行所省。皆須臾輒復。或激而滋繁。亦不可不重。

庚申仲冬月下澣。養心殿御筆。鈐寶二。嘉慶。

朱珪恭跋

臣謹按西晉時議省州郡縣半吏以赴農功
荀勗奏議以為省吏不如省官省官不如省
事省事不如清心其意以清心為本以省事
為先得其要矣周六官各屬有府史胥徒所
謂庶人在官者也蕭曹相漢致畫一之歌皆
起家於吏其後吏道雜而多端則官職耗廢
然省吏抑末也論語曰居敬而行簡以臨其

民○不○亦○可○乎○書○曰○任○官○惟○賢○才○左○右○惟○其○人○
是○得○人○乃○六○計○弊○吏○之○要○也○又○曰○惟○王○不○邇○
聲○色○不○殖○貨○利○德○懋○懋○官○功○懋○懋○賞○則○清○心○
為○省○官○之○本○也○仲○舒○曰○正○君○心○以○正○朝○廷○正○
朝○廷○以○正○百○官○端○本○而○未○自○舉○矣○清○明○在○躬○
志○氣○如○神○則○維○嶽○降○神○生○甫○及○申○自○然○無○曠○
庶○官○天○工○人○代○我○

皇○上○夙○夜○宥○密○以○勤○萬○幾○而○咨○揆○牧○若○網○在○綱○矣○

臣朱珪恭跋鈐印二臣珪

鑒藏寶璽寶笈三編石渠寶笈所藏嘉慶御筆傳
心基命

御書唐人早朝詩一冊

本幅金粟牋本。摺裝四幅。皆縱三寸五分橫八寸。

御筆楷書並識

銀燭朝天紫陌長。禁城春色曉蒼蒼。千條弱柳垂青瑣。百轉流鶯遶建章。劍珮聲隨玉墀步。衣冠身惹御爐香。共沐恩波鳳池上。朝朝染翰侍君王。鷄鳴紫陌曙光寒。鶯囀皇州

春色闌金闕曉鐘開萬戶。玉階仙仗擁千官。
花迎劍珮星初落柳拂旌旗露未乾。獨有鳳
凰池上客陽春一曲和皆難。

唐人早朝詩二首嘉慶辛酉孟春月人日敬勝
齋御筆鈐寶二嘉慶御筆藝與道兼

鑒藏寶璽寶笈三編石渠寶笈所藏

御筆盛京詩一冊

分
本幅紙本。摺裝八十幅。皆縱八寸。橫九寸九

御筆楷書。

東巡盛京叩謁

祖陵啟蹕作有序

丕基締構。

橋山儲萬福之原。

大業經綸

軒鼎峙億年之祚。溯幽岐之舊迹。肇啟鴻圖。念遼瀋之遺規。瞻懷故里。憶昔恭隨。

翠輦。曾親。

瞻拜之誠。繼茲敬護。

瑤編為展尊藏之禮。自丙歲春元。紹統積十稔。秋露。縈心式循。

前典以修儀。用卜良辰而啟蹕。時已過於閏夏。序方。

屈夫新秋路指巖關仍當年

王迹撥桓之地時清海寓念往日

戎衣開創之艱粉榆日近惟殷繼述於予懷鑒輅時

巡特紀郵程而首倡受璽承

恩已十年艱難

肇造緬開先謁

陵蹕啟中元後扈

駕心殷廿載前

我皇考於乾隆八年癸亥十九年甲戌四十四年戊戌四十八年癸

即四次
禮而於
紀程紀事
祖陵孝慕
誠致敬盡

時艱難肇造
博考見聞
昭垂簡冊
至四十八年

予承命
扈隨親侍
我皇
考陟嶽降原

依依不置
至今默識
而不敢忘
茲予小子撰吉

東巡敬循
前典追維
時已將二紀

衷懷愴憶
感慨係之
式煥隆儀還故里暢觀多

不禁與修
逢俱永矣

稼茂田原
朝陽策馬欣秋爽
旭朗層雲霽景延
三河道中凌晨遵大路攬轡近三河若畫開
巒岫如雲茂黍禾林青延繡甸山翠滴澄波欣
見豐收兆王畿樂歲多
御行營首程信宿駐

行宮。自京啟蹕。首二程近京百數十里。為東行
蹕路所必經。向設行宮二處。烟郊屬通州。
東界白河。屬薊州。西界茲來信宿。臨駐至此。
首御行營。其地曰陳新莊。屬薊州之東界。營
建平原。體制崇赫。奕旌門。羣拱極。巍我帳殿。仰
居中。分旗設衛。星環北。纘武承。

先基肇東。舊典申明。垂法守。習勞尚儉。億年同。行營
周廬之制。至我朝而規模大備。蓋自開國以來。
詔武行。團用之二百餘年。勤勞淳樸之風。可垂
久遠。定制內方外圓。中建黃幔城。外加網城。索
綯為之。設連帳百七十有五。為內城。啟旌門三
每門植纛二。東鎮黃西正黃。南正白。外設連帳
二百五十。有四為外城。啟旌門四。每門植纛二。

東錄白西錄紅南以正藍錄藍分日植之北正
紅外周設宿衛警蹕各帳皆以八旗護軍官校

馬探衛過玉田縣無終地稽古種玉說非真柳

陌通溝洫水田接隰吟占豐宜省歲問俗切觀

民沃壤秋成待蠲租布澤均縣為古無終地唐

置無終縣萬歲通天二年改今名晉于寶搜神

記載陽雍伯種玉事蓋傳會之說未足徵信惟

此地水田航稻不異江鄉土脈豐灤州詠事

偏師攻克駐雄兵遇敵來侵復棄城景仰

文皇開國烈賞功罰罪萬年程

灤州當

太宗開國時
文皇帝

自燕京班師還。遣將攻克。命將統兵駐守。
太宗既還。明人來攻甚力。用礮擊破城垣。守

禦者棄城歸。當時綜核諸臣功罪。申明賞罰。
事詳開國方畧。聖製戊戌經此詠事詩。

雨。七月二日。山雲四起。不崇朝。塞接盧龍。雨勢迢。

浙瀝溟濛。林隱岫滂沱酣暢。晝連宵。據鞍長陌。

泥微積。凝眺平原稼倍饒。古郡停鑾祈快霽。是

駐蹕夷齊海風捲霧碧空寥。夷齊廟即事。孤

竹遺蹤。古籍傳至今。廟祀尚依然。庶頑立懦清

風著。扣馬批鱗大節宣。二老昭垂名總正。獨夫

直斥論終偏得仁何怨甘恬淡展拜抒吟欽哲

賢

伯夷叔齊見於經史者非一聖人許其求仁得仁孟子謂其頑廉懦立則其德炳耀千古

誠足尚矣司馬貞史記索隱云孤竹君是殷湯所封夷齊之父名初字子朝伯夷名允字公信

叔齊名智字公達應劭又云伯夷之國君姓墨胎氏遂相傳伯夷為墨胎氏然時代荒遠當以

經傳為據若必求姓氏以實之則鑿矣題融理堂心鏡朗輝融

遇事得實理各行義所安處世應知止墨胎古

氏稽清介千秋美落落百尺松浩浩灤江水直

節亘兩間不朽垂青史追思夾輔勲公論誰譽

毀。安怡齋。行齋清景曠。卓午即停鑾。勅政覽。
章奏問民艱。庶官秋庭開遠宇。潤野合遙巒。隨。
遇探真趣。心怡身自安。秋澄樓小樓拾級俯。
秋澄。

聖藻輝騰最上乘。崇儉去奢。

垂奕禩。迴思癸卯憾何勝。過永平府詠事。

親討燕京奏凱旋。永平一鼓即摧堅。
永平負山帶河為形勝之地四

塞險固實東北之雄邦也我太宗文皇帝
於天聰三年親統大軍伐明圍燕京而不

攻旋遣使議和班師直趨永平命猛
士廿四人乘夜薄城而以十旗大軍繼之遂克
城其班師

申諭命留守不戰棄城自取愆國法聿彰嚴紀律宗

臣議貴示矜全等曰太宗將班師諭留守貝勒

爾諸臣宜戒飭軍士毋侵害違者抵罪至盛京

尋命貝勒阿敏碩託率兵五千鎮守代貝

勒阿巴泰等還阿敏至永平與諸守臣意見不

協明兵復攻灤州我守臣納穆泰等悉力抵禦

而阿敏等怯弗往援且盡收遠安縣守兵及居

民入永平府自衛灤州城壞納穆泰等力不能

支遂奔永平阿敏等亦棄城去並令遵化守將

察哈喇等素所守出邊太宗聞阿敏等棄

城還發一矢以永平遷安歸順之民盡殺之以
論衆曰阿敏自入敵境來見敵形未
天所與之四城盡棄之皆見勒不盡忠為國諸
臣各顧其私所致諸日勒大臣等列阿敏罪狀
合詞請誅以彰國法太宗不忍加誅免死
幽禁之刑見勒碩託爾其餘諸臣貸死被賊按
其情罪重輕
青懲有差
經臨故壘思當日

開創鴻猷勉繼

先

過撫寧縣盧龍隋置縣形勝接雄關旭朗輝嵐
嶂天澄梟霧縹烽烟久銷歇雞犬盡安閒撫御
期寧謐一心照八寨題清宜掌秋原平敵啓

書堂清景宜探引興長

示儉稿詞貽燕翼瞻楣潔志誦

鴻章

我殿堂為之句仰見皇考常題清宜堂云匪圖已躬豫底用

時隨事見之於聲律身迴廊樹影張高幄度可為後人法守者如此

曲徑花叢送暗香地近巖城氣候爽海風遙拂
嶺雲涼體素書屋述志乾隆四十八載秋兄

弟隨

鑒此曾住電光石火廿二年泣憶

慈恩心永慕。臨民莅政勉敬勤。仰體

考衷勅幾務。欽守

先猷由舊章。宥密緝熙蘊竹素。我皇考緝熙典

行跡亦與平時無異此予當年隨侍所親身日
觀仰企敬識而不敢忘者也茲來亦駐此館敬
瞻四壁勅幾念典之心莫不具於遊心竹素而
昔年敬扈鑒與此日駢非敬依
載止能不追思感慕以述衷懷

皇考山海關四依

皇祖元韻元韻版圖恢廣大戶闡豈雄邊

聖祖三臨駐

天章四疊連。紹基欽化洽。守德凜

心傳。璽受丙辰歲。

蹕隨癸卯年。

深恩同覆載。舊蹟幻雲烟。莅政勉無忝。觀民謹式權。

萬峯排古堞。衆水匯秋川。

愛日在霄漢。仰瞻衷悵然。出山海關作巖疆重鎮。

說前明

親統雄師抵北京。戡亂關中，即振旅議和，城下戒佳。

兵○山海關。明時倚為重鎮。初徐達接築四城，後

喜峯諸口入達。天聰三年十月，我大軍每從古北

大軍征明，入大安口。圍燕京，敗明援兵。數處擒

斬其將，達達海巴克什與明國議和。班師八年

七月，至山西應州朔州。旋師，崇德元年六月，宣化大

同。至山西應州朔州。旋師，崇德元年六月，宣化大

命武英郡王阿濟格等統軍入長城，越保定至

安州。旋師，三年八月，命睿親王多爾袞等

統師征明，入牆子嶺，至燕京。畧山西界，復由臨

清渡運河。四年正月，破山東濟南府。執明德王

由樞還至天津。克城三十四，降城六。敗敵十七

陳。三月，凱旋。七年十月，命饒餘貝勒阿巴

泰等率兵征明，分道入界嶺。黃巖口直抵兗州。

府。山東州縣相繼下。凡克三府。九泥漫誦一夫。十。八州六十七縣。六月師旋。守。片石飛騰。衆賊平。繼序艱哉懷。

祖烈。持盈慎德。鞏皇清。後明為流賊破滅其社已墟。吳三桂請兵於我睿親王。始

統兵入關。賊衆三十餘萬。自北山橫亘于海。睿親王整飭部伍。一鼓奮擊。殲除數十萬之衆。賊敗。亂遂趨燕京。驅除賊黨。所過州縣迎降。恐後乃傳檄安撫。具疏恭迎。世祖章皇帝至京。定鼎。以開萬年鴻業。益以見天心佑順。我國家以同德同心。開基創業。予道出巖關。追惟往蹟。能不深思在。姜女祠免罪。弔廬義凜然。德不在險之義乎。

翻。因善哭。迭訛傳。齊東野語雖難究。節烈堪褒。

閨閣賢

祀梁之嘉其妻對使者之言名義凜然傳於左氏俗乃以姜女屬之訛傳固不

足信

且謂是秦始皇時桑長城事尤屬傳會然

廟祀於茲積有年所則其節烈自有不可磨滅

者所謂善善欲長仍蒙古王公等來接覲欲

其說而不必深論也

隨豹尾盡陳辭西北羣藩命却之特簡近邊諸

舊戚偕來故里仰

先基心虔匡衛作屏翰恩結松蘿固本支緬憶蓋臣

助

創業行間宣力効驅馳過中前所中後所二所相

連寧遠疆出關百里蹕途長。蕭蕭高柳秋原野。
漠漠寒雲古戰場。舊蹟經臨近故國。丕基締造
憶賢王。復封予謚酬功烈。

聖澤淵深曠典彰。中前五里中後所寧遠州西南一百六

八十里崇德八年秋九月阿濟格統師初嗣位遣
鄭親王濟爾哈朗英親王阿濟格統師征明擒
斬明駐守官弁兵丁拔中後所城並畧定前屯
衛又遣將分兵至中前所俘執戍兵明守將素
城適先後獲輜重軍械牲畜無算蓋恐明乘我
國有大事來侵故先伐之以揚我武實睿親王
之嘉謨也我皇考睿綜核睿親王先後事
功追復原封並增謚曰忠酬庸之典曠古為隆

矣

寧遠道中愚闇誅崇煥跳梁竟返兵未能

一心守難去貳臣名俏

德窮猿竄

納降大度宏石坊標舊族治世罷屯營寧遠在勝國

守袁崇煥即明之寧遠巡撫也天聰三年我
太宗親統大軍征明國燕京袁崇煥及錦州
總兵祖大壽率兵赴援
帝不察竟磔崇煥於市大壽驚懼徑歸仍為明
守錦州後大壽既已納款我朝及縱歸復懷觀
望直待勢窮援絕始決計來降迹其初志尚欲
依憑勝朝及來降後不惟不誅其反復且厚施
恩遇而用之其後之感奮立功皆由我

太宗大度寬仁。駕馭有遺。足以使之然耳。今寧遠道中。其家石坊尚存。其子孫並為世僕矣。

望杏山松山即目。松杏二山峙秋宇。當年捷

伐

聖謨昭一麾立破十三萬。保大定功聲播遼。杏山松山皆寧

遠屏衛。明遣總督洪承疇集援兵。三萬守禦。甚加。

大略駐營。明兵望見大懼。欲戰則力不克。欲守

則糧已竭。合謀退遁。我軍先獲其筆架山積粟。

遂將漆斷松杏路。設伏遮襲。克敵兵數萬。獲馬

數千匹。甲冑九千有奇。我軍器無挫。此皆我

威赫。太宗神武睿謀出奇制勝。天經呂

威赫。太宗神武睿謀出奇制勝。天經呂

翁山作聞寄勝朝稱重望。

天戈所指立成擒。來降恐後開基業。

布德推誠感衆忱。此我手握重兵身。膺聞寄且勇畧。素

著不易俘擒我。太宗神謀睿畧有敵必摧。

不特立破其陣。亦即生致其身。速既降後以勞。

績。天地為心。開誠溥德。是以承嚆。感激圖報。勞。

能奏其效。可見當日。聖神駕馭。有以震懾。

其心。而率土。後蘇之也。即著於此。皇考癸。

卯經此。詩曰。明似承嚆者。幾人生。過錦州詠。

降其國。屯亡真誠。不易之論也。

事恭依。

皇考元韻扼要必爭地。圍攻剋敵難。終歸降甲帳。漫

詡衛辰韓。戰墨皆荒草。錦城置庶官。敬思

文祖烈。繼述疊求安。錦州為遼藩。扼要之地。明駐重

太宗統兵圍攻。大凌河。明兵四萬。自錦州來援。

太宗與諸貝勒率精兵進擊。大破之。大凌

臺中糧盡。援絕。大壽殺其副將何可綱。舉城降。

至五年春。御營輸款。奪縱歸錦州。復據城叛。崇德

五年春。太宗命鄭親王濟爾哈朗等率兵

駐劄義州屯田。更番圍錦州。至明年直薄其城。

鑿濠環擊。大壽戰守計窮。窘蹙。日甚。且聞松山

已失。洪承疇被擒。七年三月。大壽乃先遣人詣

軍門乞降。繼率眾官親赴軍營投誠。乞命。遂克

錦州。計自五年春至七年三月。而城始破。屯戍

之失蓋已
及三年矣
小凌河養息牧熙朝馬政邁前聞

路左陳觀燦錦雲沃壤尤欣茂水草牧場原不

碍耕耘驪黃牝牡百羣列驛駱駝騏驎五色分習

獵置郵供磬控長途策騎示躬勤我朝畜牧之

無蓋緣中外一家臣服至遠牧場寬廣孽息尤

蕃如上都達布遜諾爾及此地不下數十萬匹

悉就水草繁茂處字育夏則散放冬則銜養分

交內府莊頭供其飼秣至天閑上駟御用為外

藩所獻者則有蒙古諸部及大宛愛烏罕等處

伊犂西域駐守重臣亦時以良驥充貢故雲錦

騰驤廐早充牧視前代之互市康內地之錢幣

妨民業之耕桑者立政之善固有霄壤之殊抑

由我朝體大物博方能致此耳

過大凌河明兵進薄大凌河

一戰前徒盡倒戈縱火翻成自焚速反風助順

敗奔俄鎮臣獻計心無據副將委身志不磨

天藻褒嘉勵忠節永思

締造感懷多

天聰五年大軍圍大凌河掘壕築壘為久困計明兵四萬自錦州來援

宗與諸貝勒率精騎數千進擊敵却走會大風敵乘風縱火勢甚熾將逼我軍天忽雨反風遂大破之擒其監軍道張春等大凌城中糧盡鮑兵祖大壽及諸軍皆欲降獨副將何可綱堅守不下大壽令掖可綱至城外殺之以降並獻取錦州計因縱之歸乃大壽首鼠兩端復據城叛

至崇德七年始決意來歸事詳過錦州詠事誌
何可綱者遼東人史稱其先為袁崇煥中軍守
備廣勇善撫士卒佐崇煥有功累薦遷至副將
加左都督偕大壽築大凌河城守之甚力窮困
無異志至被害時顏色不變亦不發一言含笑
而死可綱擢自偏裨委身許國見危授命其勇
烈真可嘉尚故皇考大廣寧道中明季

凌河詩中

以之比

南霽雲也

政多舛謀國議屢更

既任熊廷弼

復信王化貞

輕復倚張鶴葉

向妄請六萬兵

一戰遂奔走

單

騎遽棄城

微哂不援救

閉關風鶴驚

伏法實自

取誰憐走狗烹

門戶害最甚謬悠相辨爭

廣寧
負山

憑海形勢之地故明以熊廷弼為經略復用王化貞為廣寧巡撫化貞輕而愷素不習兵與廷弼不協且奏請兵六萬時中外舉知經撫不和必誤疆事而葉向高當國化貞座主也頗右之兵部尚書張鶴鳴則篤信化貞從中主持令毋受廷弼節制廷弼奏辨亦不省化貞遂盡發廣寧兵昇素所信任之中軍孫得功以行及與我先軍遇於平陽橋鋒始交得功與參將鮑承先等先奔明兵遂大潰得功降於我並欲生縛化貞以為功詎言敵已薄城城中大亂化貞方聞署理軍書參將江朝棟排闥入大呼曰事急矣請速走化貞莫知所為朝棟掖出上馬二僕人徒步從遂棄廣寧城踉蹌走與廷弼遇於大凌河化貞哭廷弼微笑曰六萬衆竟何如化貞慙議守寧遠及前屯廷弼曰已晚乃護清民入關孫得功迎我大軍入廣寧化貞自逃已兩日矣

聖人凜殷鑒。長言警後生。小子敬探討。兢業惕捧盈。

詠事垂法戒。奕載安皇清。祭

北鎮醫巫閭山恭依

皇考元韻。幽州隆

北鎮展禮肅明禋。

周禮職方氏東北曰幽州。其山鎮曰醫巫閭爾雅東方之美者

有醫無閭之柴望昭崇典。

福綏遍庶民。珣玕毓靈秀。帛爵致恭寅。魏蕩瞻

天作鍾祥奕葉申。

觀音閣歌尋幽重問雲中岫攬

嚮飽看峯巒秀。崖迴溪複徑逾深。細泉濺石清
音漱。遂登層閣禮大慈。應感原從自心構。憶曾
癸卯致辦香虔祝。

皇躬介眉壽。吁嗟此志竟成虛。惟願蒼生沐綏佑。名
山小別廿二秋。境遇更新景依舊。賜奉天將
軍富俊留都職守重。咨俊汝欽哉。二府儲賢士
八旗毓將才。軍民胥教養根本厚。栽培勗爾加
勤勉。明通公溥該。賜吉林將軍秀林。皇清發

祥始福地接興京。境擅山川異。人皆弧矢精。抒
忠盡汝職。務本副予誠。訓練咸英銳。舊章慎勿
更。賜盛京五部侍郎。燕京定鼎肅朝端。五部
陪都各置官。勿謂閑曹多簡畧。自籌庶政倍艱
難。

祖宗立法有深意。遼瀋開基守舊觀。教養旗民為表
率。毋忘夙夜敬勤殫。曉行曉發廣寧邑。東來
千里程。朝嵐互隱現。秋霧倏陰晴。心識民風樸。

目觀穡事成價旗租民胥豁免大本固陪京盛

地土豐腴各省農民雲集是以民典旗地極多
前經戶部議令勒限一年准其首報其旗地
報者撤地入官即佃原業旗人按則輸租免追
典價民人照例治罪並追歷年租息入官民人
首報者免罪免追租息即佃原首民人輸租並
免徵一年租銀以抵典價其出典之旗人照例
治罪並追典價入官昨據富俊奏稱上年九月
至今旗民首報之地約計二十萬餘畝惟事
閱多年輾轉接典頭緒不無軋輻因思旗民等
均係窮苦之人今既各將地畝呈首而旗人則
應完典價民人則應交租息均不免追呼之擾
尚有應得罪名情殊可憫特降旨加恩將業經
首出地畝所有旗民人等應得之罪並應追典
價租息一併寬免展限至明年二月如有續行

首報者一律辨理。以示省方。行慶培養根本重地之至意。

涼雨西風竟夕

聚山雲。涼雨飄蕭。羶幄聞漠漠。遙嵐迷樹影。濛濛遠渚。颺波紋。長途微渾。有何礙。晚稼繁滋。最可欣。除道成梁。總民力。遍施膏澤。慰勞動。疊道修治。潦原

天命年。建橋

崇德益凝堅。長途自此消泥滓。王道由來樂蕩平。沮洳成梁通遠渚。康莊策騎覽秋田。柳河續濬

考恩厚。賜復蠲租澤繼。

先。疊道之建。蓋因盛京以西至廣寧。地勢窪下。每當夏秋之交。時霖積潦。不便車馬。我

太祖定都瀋陽。即飭修治。成疊道百二十里。

太宗崇德六年。復建永安橋。以通汧潦。而道益固。自是師行無阻。用集大輶。至今行旅尚蒙其利。至廣寧柳河溝一帶之道。為我

皇考乾隆丙申歲。承德錦縣寧遠廣寧四屬商民續

修。

皇考曾降恩旨。賜復兩歲。並優獎治道之商。今來瞻
禮鎬京。履蕩平之舊蹟。緬

締造之經綸。仰思

遺澤。益勉繼繩。恭紀長言。並識梗槩如右。過句驪

河。澗瀍卜世。洛誥稽二水相合。稱句驪內河。外

河。繞鐵嶺。流分名別。遼東西。一自長白發源始。

一出西北諸山谿。盛京志稱遼河。即古句驪河。一作柵柳河。謂是柵柳。

河合流之處。今又作巨流。河源有二。一自西北
來者。源遠不可考。一自東來者。出長白山。西北
諸窩集。中為赫爾蘇等河。合而北流。出達西北
繞鄧子村。又西南折。與西北來之河合。為一。西
邊經鐵嶺。縣之西北。入雙峽口。分為二。曰內達河。外
達河。繞縣之西南。復合為一。至開原城。為巨流。
河。又經海城縣西。與太子河會。謂之三。漢河入
海。所稱達東達西。即以河之左右而分也。今為
奉天錦州。我來故國。覽舊蹟。浮梁安渡。消淖泥。
二府分界。當年薄伐師。利涉風翻波。影懷鼓鼙。瀋陽

建極定王業。孫曾奕葉蒙福禔。敬承

考命。疊蒞政。布德九有。綏羣黎。老邊恭依

皇考元韻計里留都近人欣歸舊鄉定基
天錫統繼序德為防民朴俗無易年登
帝降康

三陵欽展謁致敬肅秋嘗盛京奉

祀諸宗室來接詩以示之我朝肇基地奉
祀永承恩派衍白山慶祥徵

朱果源一心期法

祖萬葉總同根屏翰守東國深思孝弟悖

朝鮮陪

臣來接詩以誌事。碑立三田渡。永欽。

先澤濃。歲時致朝貢。奕葉守藩封。遣价抒誠悃。迎鑾

效敬恭。陪京命預宴。懷遠

舊章從。

禮朝鮮自崇德二年征服後世守藩封恪恭有禮其歲時朝貢必誠必敬洵為禮樂之邦茲

因朕恭謁祖陵其國王謹遣陪价遠道來迎尤堪嘉尚將攜至盛京加恩宴賚亦先朝懷遠之規也

撫順城七恨告

天

天佑我師行。值雨灑途塵。無煩折矢攻堅壁。

特命持書示守臣。安輯三城。定堡寨。招徠千戶。賑黎

民。

拓基伊始。恢遼瀋。景仰。

前猷成憲。循。城在承德縣城東北八十里。明洪武二

自是國太。太祖於撫順清河。穀陽。寬甸。四關。口互市。
告刻復。天征明。至。幹。輝。鄂。謨。地。駐。營。是。晚。雨。於。
亥。刻。復。進。兵。天。忽。晴。霧。黎。明。團。撫。順。城。執。一。人。
令。持。書。諭。明。遊。擊。李。永。芳。永。芳。得。書。以。城。
降。瑪。哈。丹。三。城。及。臺。堡。寨。五。百。餘。悉。下。順。東。
州。率。諸。貝。勒。還。駐。嘉。班。論。功。行。賞。編。降。民。為。一。太。

千戶安輯。毋令失所。有失散者。盡察給之。並給
以田廬牛馬衣糧器皿。設大小官屬。令李永芳
統轄。仰見仁義之師。雷霆雨露。悉協
天心。以開億年景命。聖蹟睿謀。昭如日月。
云。

薩爾許詠事

開基創業自興京。廿萬明師一鼓平。心膂股肱克大
敵。

父兄子弟肇皇清。據崖設伏選精騎。列陣飛馳盡勁
兵。尚問聲去崖頭方破隊。斐芬山畔復摧營。八旗
赫濯雷霆迅。四路奔逃風鶴驚。

偉績承

天昭繼緒

奎文書事凜持盈○經臨故壘瞻

前列緬憶

神謀勉守成○周覽川原懷往蹟○渺躬紹統矢衷誠○已歲

未二月明經畧楊鎬等統兵二十萬號四十萬
分四路來攻興京總兵杜松營薩爾肅復引兵
二萬人圍吉林崖與薩爾肅軍遙應總兵馬林
率兵四萬營於尚間崖開原道潘宗顏軍萬人
營斐芬山遊擊龔念遂李希泌率兵萬餘營於
幹輝鄂謨而劉綎李如柏兩路兵直逼興京我

勒衆台吉諸將等。太宗率大貝勒二貝勒三貝勒。不移時破其壘。旋夾攻由吉林崖驅至界藩之。兵大破其衆。總兵杜松王宣趙夢麟戰歿。太宗分引騎士步兵斫幹。殲鄂謨營。明兵又大敗。龔念遂率希泌歿於陣。尚間崖。明兵方布陣。諸貝勒衆台吉鼓勇奮擊。立破其陣。明兵大敗。不能支。其副將麻岩及將。土覆沒殆盡。馬林僅以身免。我軍復集進。攻焚山營。潘宗顏一軍盡歿。免我軍復集進。攻。四千待李如柏等。太宗統軍禦。劉綎而留兵。夾擊。諸軍相繼馳突。夾攻。明兵大潰。我軍乘勝追擊。殲其兩營兵。劉綎力戰死。是時明海蓋道康。應乾興朝鮮兵營於富察之野。太宗同諸。

見勒督兵至明兵與朝鮮營競發火器忽大風
反撲其營我軍飛矢如雨又大破之康應乾適
去明遊擊喬一琦自縊死朝鮮帥姜功烈等詣
軍門降楊鎬開兵敗急檄李如相等還如相等
遁遇我哨兵二十人呼噪下擊明兵自蹈藉死
者千餘人是役也五日之間盡破明四路兵其
宿將猛士死亡畧盡士卒死者以十餘萬計我
兵以少擊衆所向克捷此誠上天助順
神武宣昭亦由我國家父子兄弟同心
合力用集大勲億萬載丕丕基實肇於此予小
子每恭讀寶錄及我開創之艱自疊欽承
能不沾臆動心敬維
之念
耶
過三關得句策駟盤峻嶺扼要指三關
豹踞巉巖上第一曰雅爾哈關雅雕摩霄漢間

兩哈者漢語謂豹也

第二日代岷關岷者漢語謂離也代雄邊瞻設險第三日扎客者漢語謂

駿烈倍思艱。昔日出師地。承平暢往還。恭謁
永陵癸卯隨

鑾初展謁。今來叩拜愴孤身。水源木本億齡溯
俊見

愜聞一脈親。

啟運山隆垂遠大。

神榆樹陰益輪困。秋霜滿目增悲慕。永念繩

先

考訓諄。

綿。永陵山為啟運山。自長白山。西麓一幹。

奉安龍脈正中。稱

東京陵奉移。

興京陵。順治十五年。從

葬十六年。尊曰

永陵。

興祖。寶鼎前生。

瑞榆一株。輪困盤鬱。

圓覆佳城。稱為

神樹。

實肇我大清。萬葉

雲仍長城。樾蔭襲景運。於

無疆者也。我皇考嘗製神樹賦。紀之。

中秋帖子詞。萬古團圓節。欣於故里逢。如恒朗

霄漢。今夜彩輪重。

地近天東極。先瞻玉鏡光。

人間多暗昧。清影徹微茫。山莊常度中秋夕。
佳節喜來箕尾垣。依例慢城設瓜餅。清輝皎潔
滿和門。謁顯佑宮。

祖德合

天心於昭寶命臨。興京初肇祀。

上帝永居歆。致敬抒虔祝。升香達寸忱。承

先守大業。兢惕凜難諶。平甸建花宮。朝家億禩崇。

慈恩兆民洽。顯佑一誠通。虔籲世長泰。敬祈歲屢豐。

秋原樂繁廡。故里值來東。赫圖阿拉橫甸在。

南郭土城遺址存。邠岐緬文德。鎬洛度周原。我

家烏拉發祥初。居寧古塔之俄朵里城。地近吉

至。原率許不殊。周室盛岐。肇造區夏。實基於此。

建國規模始。卑宮儉樸敦。大清

發祥始。舊蹟示曾元。興京敬紀。啟運興京肇。

太祖。孫臣瞻仰凜仔肩。

復仇義奮十三甲。卜世祥開億萬年。自赫圖阿拉肇祖居。

至太祖
世首征棟鄂部
太祖生而天表玉立
不絕遂建都興京
所向臣服
北通蒙古諸部
貢使
萬萬世之
帝業焉
北極星光燦霄漢
東都

王氣徧山川
緬懷

創業鴻基造
嗣服其皇疊紹

先
迴蹕過薩爾
許再詠上

陵儀歲詣陪都
山勢重瞻

開國模百戰
艱難成

大業萬年締構
鞏皇圖心殷繼述

前猷煥目極因巒舊蹟燕

垂訓憑輿東敬誌卯秋追憶淚霑濡癸卯之秋恭隨

京展謁
鑒輅蒙
永陵過薩爾
皇考憑輿指示以此地經

太祖
二十餘載
太宗親統大兵於五日之內破明兵

此予小子敬誌不敢忘今恭謁
迴蹕重經追維前訓緬溯
鴻勳仰

不易載懃感慕曷禁愴懷
恭謁

福陵

肇造我區夏聿開

天命基一麾庶民順七恨

上蒼知痛憶

考申祝感叨

祖賜釐

癸卯年子奉

命扈侍陪京意以隨

皇考聖意

鑒掖輦為子職所當然乃我

深長

宗謂付託有人冀邀

宗祐大計默告

景佑洎貌躬紹

承大統十載以來海宇

教寧庶政就理幸荷

列主垂慈鑒我

皇考慎簡之誠界予小

子疑今之祐茲敬謁

追維時曩不禁感極增痛也

珠邱

鼎成歲月九叩有餘悲

賜奠額亦都慕卓識投

真主。從軍勇將魁。一身都是膽。衆敵盡成灰。聯渡河。

流斷飛登城堞摧。額亦都。姓鈕祜祿氏。先世居

十三。手及父仇。避居嘉穆瑚村。依其姑。會

太祖過額亦都。識為真主。辭姑從行。驍勇善戰。

性忠誠。勇敢。嘗攻巴爾達城。值渾河漲。以絕聯

軍士而渡。夜率銳卒攻城。守者驚起殊死拒。額

亦都跨堞戰。飛矢貫股。著於堞。揮刀斷矢。戰益

九。被五十餘創。不退。卒拔其城。天聰元年。追封

考恩。恢。寄題法輪寺四塔森環衛。祥開。

酹褒鄂繼述

康熙七年。特爵其子。過必隆。為一等公。功。懷忠

祖業興。梵言微一統。國語譯三乘。四盛京城東西南北

西曰延壽。南曰廣慈。北即法輪寺也。四寺俱建。白塔一環衛都城。相傳有善地。術之梵僧曾云。四塔全當一統。果符所言。茲地近此寺。特遣睿親王端恩拈香。

啟運法輪轉。能仁寶筏登。同文欽

聖化景福

錫雲仍。恭謁

昭陵。

高皇未竟緒。善繼闡

天聰應運

神謀赫開基偉績隆。圍燕申捷伐都瀋慶來同。我

太

宗續承先緒義問宣昭。親統大軍征

明兵薄燕京

許以和好

振旅凱旋

維時

大軍

開

隆

郊壇規模悉已大定。因瀋陽舊城增其式廓。

郊壇規模悉已大定。因瀋陽舊城增其式廓。

功德彌煥始

大清

改元

崇德

元年

一統

無

外

請

建

之規

實始

基於此矣

孫臣

昧含悲望碧空

昭陵石馬歌

昭陵石馬歌

昭陵石馬歌

昭陵石馬歌

昭陵石馬歌

佑啟孫臣昧含悲望碧空

昭陵石馬歌

天聰嗣統王業昌。綏來諸部都瀋陽。

躬親行陣申捷伐。大白小白雙驕驕。

聖人乘御經百戰。羣神呵護咸馴良。直抵北京仍返

營。巖城收復大烈揚。十三萬兵聚松杏。

疾馳六日如騰驤。一鼓立時摧勁敵。承疇歸順

義問彰。

昭陵前石馬二。左曰大白。右曰小白。太宗所御二馬名也。是馬凡經百戰。破陣

摧堅所向披靡而最著者則我太宗於松

山杏山大戰時疾馳六晝夜破明兵十三萬擒

洪承疇遂下錦州神謨制勝赫濯宣威亦

是馬馳驅之力也迄今肖形屹立猶想見戰場

効績英氣如生而仗衛神衛永依
宵旰將傳之萬禩而不朽其遺際亦云幸矣
二
馬呈材成偉績肖形屹立

陵道傍鳳臆蘭筋具卓犖雄姿猛氣猶昂藏我

祖創業實艱苦孫臣瞻慕增感傷作歌述事示後嗣

得之馬上言毋忘穆滿八駿供遊騁雙龍天矯
開封疆漫勞汗血昇平世持盈紹

武衷敬養賜奠揚古利墓應運佐

開國來歸屢立功奮威抒勇畧致敬竭誠忠尚主

恩淪浹。封王澤渥隆。楊古利。姓舒穆祿氏。其父郎柱。庫爾喀部長也。率所部人歸我。

客。楊古利。年甫十四。手及父仇。尋郎柱為部人所害。太祖遣子楊古利入侍。尋郎柱為部人所害。太祖深異。

之日見信任。尚主焉。每從征伐。身先士卒。詔之止亦不止。或力戰被傷。猶裹創奮擊前後。

大。小。百餘戰。俘獲無算。崇德初。從征朝鮮。中。傷。殘。太宗親臨。恸哭。視含。歛。追封武勳王。

順治中。配享太廟。康熙三十九年。御製碑文。紀其功。雍正九年。加封號曰英誠。

二陵永垂庇。風馬騁高空。賜奠費英東墓。

天命功臣首。請纓弱冠時。一呼破營壘。四路盡奔馳。

際遇風雲會。勲名竹帛垂。

祖恩及苗裔

仁厚拓邦基費英東姓瓜爾佳氏先世為蘇完部長

等大臣尚主薩爾湖之戰費英東實居首功性

忠直敢言太宗嘗諭羣臣曰費英東見人

不善必先自斥責而後勅見人善必先自獎勸

而後舉故被勅者無怨言被舉者無驕色未聞

諸臣以善惡直奏似斯人出天聰初配享

太廟順治十六年追錄佐命功第一晉三等公

世襲康熙三十七年御製碑文表其勲乾

隆四十年以費英東為開國功臣之冠特晉

封一等公

長寧寺恭瞻

太宗皇帝所御冠服恭依

皇考元韻寺額長寧開

世祖花宮昔日

御花園旛幢魏煥寶蓮座

冠服瞻依奕葉孫博帶寬衣豈可效

柳風沐雨感貽存卧碑

垂訓昭悠久萬世遵循大本敦寺為順治十三年改為

長寧寺天聰六年太宗訓諭我國風俗淳樸近者奢靡僭越不可不定為法制自今護軍

以上許服緞餘俱用布崇德初以金為飾又儉母事華靡凡鞍轡等物不許以金為飾又

諭諸王貝勒大臣曰先時儒臣已克什連海
庫爾禪勸朕改滿洲衣冠效漢人服飾制度朕
不從實為萬世子孫之計在朕身豈有變更之
理恐日後子孫忘舊制廢騎射以致漢俗故常
切此慮爾等其謹識此言聖訓煌煌萬世
所當遵守我皇考深體此意常於
命時宣述為訓並恭鐫此
諭於石嵌卧碑於箭亭焉

實勝寺

天聰創宏基諸部來相繼版章式恢宏咸歸

大皇帝松杏成懋勲建寺垂後世紀勝匪浮誇定功

策實際歸蒙古諸部科爾沁於年間太祖時先已

喀爾喀巴林喀喇沁扎魯特土默特諸部先後
來歸諸蒙古崇信佛教崇德六年太宗以後

偏師破明兵十三萬於松杏兩山間。歸建此。永以紀功績。聖人神道設教。所以順人情而安國我俗也。

考平金川立營曰健銳勁旅摧堅礮桓桓皆羽衛香山建招提額同守舊制作求揚

烈光引長永勿替。金川之役先於乾隆十三年征討

不靖於乾隆三十八年。我皇考命將出師。至乾隆四十年。掃穴犁庭大功告成。以該處恃山為固。礮卡如林。攻戰之法與平定他處外域不同。因命於香山設立健銳營。度率嶺巖峻處。仿築堅礮。旅亦欲知當日摧堅陷敵之勞。特多此一軍。勤旅亦欲知當日摧堅陷敵之勞。

並建招提於山麓亦曰寶勝則遼瀋留都舊蹟
以紀成功大聖人用心在在不忘先

烈者恭依
如此

皇考至盛京舊宮再依

皇祖元韻元韻故國欣臨盛典鋪

考躬四詣舊章符澗瀍衍澤鍾千紀遼瀋開疆統八

區盛京形勢高聳水土深厚長白峙其東醫閭
拱其西滄溟鴨綠繞其前混同黑水榮其後

山川環衛原隰沃饒洵所謂天地之神皋與區

也太祖誕膺天命肇造鴻圖始由興

京撫有東土遂自界藩薩爾滸撫順而築東京
於遼陽天命十年以瀋陽形勝之地王氣所鍾

遂定都馬。太宗底定諸部。築城垣。建壇廟。營宮闕。號曰盛京。世祖定鼎京師。統一區夏。以念切肯堂懷燕翼心。殷主器繼盛京為留都。

鴻圖繩

先啟後仔肩重。敬守當年遠大模。至盛京恭依皇考癸卯七言長律十四韻元韻。十年積慕始來東。

祀歲

三陵望鬱葱。受璽辰元。

恩實渥。隨

鑒癸歲事難同

藐躬蒙我

皇考密簡

南郊默陳上

付託

癸卯歲東巡

躬謁

祖陵復撫藐躬同

申展慕之誠並

敬告得

人之鑒維時實未

嘗稍露端倪也

直至辰元

大聖人於始將預

定之意

宣示朝端

承

先啟後燕翼貽謀計慮至深

且遠誠足為萬

不易之規乃藐躬獨蒙

聖慈眷注

受一堂為千古未有之盛

茲來敬申展謁以抒

十年積慕而當日隨

鑒之事渺已難追仰

溯崇意緒

深恩

陪京赫奕恢

鴻緒故國瞻臨愧渺躬門闢大清開正統殿隆崇政

建居中鳳凰翔集凌高宇山海迴環衛遠空卜

域乘乾啟魏闕宅都

示儉屏上聲雕瓏八旗式廓金湯業九宇全收帶礪功

特舉禮儀頌時邁未陳畋獵詠車攻衣冠遵守承

先訓我朝衣冠制度自開國之初以來列

聖相承未嘗稍有改易我太宗文皇帝御極後曾却儒臣效漢人服飾之請且諭示王貝勒大臣等所以不欲輕改舊俗實為萬世子孫之計我皇考敬繹此諭勒之貞珉垂示久遠並於詩文中至再至三諄諄教後人以無忘根本此聖人心法相傳合揆同符有如此者

弓劍尊藏履故宮。地軸左旋欽出震。星杓右指慶綏豐。

祖基鞏固貽千禩。

考澤優深勉寸衷。賜復蠲租循典則。臨軒錫宴洽昭融。

羹

牆若覩

音容著。

陟降虔希感格通

神幔永陳

言在耳。悲看土壁。目眶紅。癸卯年我皇考四至。

寧宮祀

神既

神之日

福昨匪頒

命予及

諸親臣同沾

葛燈之舊乃

神開創時茅茨素風是宜傳之

億禩至祀

神黃幔亦尚像當時所用以今

天下之富即製為錦繡因自無難何以仍之二

百餘年而不敢輕易者蓋

先世舊物靈爽

式憑對之致禮則如見

聖諭煌煌欲子若

降尤足以申後愼之忱

睿慮至為愼切茲

殊之克念

艱難者

藐躬來此即昔日

面命之地也能不載膚

抒悲愴乎。元韻一

大清門宮門額大清皋應制恢

宏。

祖業開東國。鴻基兆北京。四聰集衆志。二木達羣情。

盛京宮正門曰大清。太祖神武明哲勤於庶政。命於門外建立二木。俾下情欲達者書之。

以進。當日創業開基。日不暇給。而懸韜振鐸之意。正合古帝設木建闕之規。良法昭垂。貽

之萬禩。太宗嗣統。功德隆盛。察哈爾舉國來歸。得玉璽曰制誥之寶。上應天心。下洽

衆志。外藩蒙古諸貝勒再三懇請。恭上尊號。乃於天聰十年四月。告祭郊。

廟受。寬溫仁聖皇帝徽稱。國號大清。以是年為崇德元年。逮世祖定鼎燕京。改大明。

門為大清門。當時命名莅政。殫圖易來。瞻惕捧
創制。已協萬世丕基矣。

登鳳凰樓恭依

皇考元韻樓建豈因供

豫遊。居中天地與同流。可捫星斗凌高宇。欲辨山川
指遠邱。北繞峯巒儼屏幃。南臨溟渤若汀洲。遷
遼都。瀋昭。

垂創。肯構承家漫遣愁。清寧宮有感。留都正寢額
清寧。

考訓於昭凜敬聽

神幔懸楣伸孝享葛燈挂壁式儀型瞻依舊里悲

成鼎臨莅故宮儼

在庭萬福之原煥

天藻繼緇紹緒寸心銘清寧宮為舊都正寢當日義

國朝典禮最重祀神必於正寢執豕酌飽

用抒誠敬茲莅舊宮心殷數典爰亦敬舉酌飽

裸將以伸吉蠲孝享之誠宮中葛燈土壁及祀
神黃幔悉仍當日之舊我皇考於癸
卯御此盼昨時一一指示開國淳穆
之風不可輕言更易此予小子親承
庭訓

永矢於聰
聽者也

恭瞻

太祖皇帝甲冑。

龍興闢宇宙。遠藩定邦基。百戰申誅討。諸藩共扈隨。
復仇摧小醜。臨陣督雄師。

甲冑有創迹。拜觀增痛悲。恭瞻

太宗皇帝所御弓矢。弓矢朝家重。鴻圖

祖武揚。百鈞弧最勁。四尺箭尤長。

神勇昭千禩。

天威被萬方。敬瞻思續緒。金匱永尊藏。恭詠

太宗所製鹿角椅。獲鹿原田選八义。因材

製椅貯皇家。

祖貽

考詠虔瞻拜。禹鼎湯盤茂以加。敬題

崇謨閣。

考建崇謨藏玉牒。貌躬瞻叩寸衷欽。是閏亦乾隆丙寅年敬建尊藏

閏中。嗣列聖實錄。庚午冬以玉牒告成。依例恭送。

高宗實錄將成帙悲隔

音容七載深

神我皇考御宇六十餘年
功彌綸宙合是以詔詰諭旨合

史歲綸閣紫禁黃門所職掌典守者不下數十
萬道自嘉慶四年開設館局簡派大小臣工恭

纂為高宗純皇帝實錄卷帙浩博屢閱歲
年今七年中已纂至乾隆四十八年之書計於

丁卯年全書四部統可告成維時亦當敬
遵成憲恭送全書一部於茲間尊藏景

佑宮瞻禮舊宮在殿左移建戊戌年
在崇佑宮本

左為太廟舊宇世祖定鼎燕京奉
列祖神主於京師太廟遂以此為景佑

宮以祀三官我皇考於戊戌年來此因
太廟應仍舊觀移建觀宇奉祀三官於

德勝門內

三官虔奉祀福錫遠藩邊生聚日蕃庶開墾萬頃
田我

考曾四莅渥澤奕葉延今來百禮舉秩祀應吉蠲辦
香祝

妥佑西成頌實堅

文廟經書國語總同文立廟尊

師仰

聖君。闡發羣言。遍繙譯。昌明正學。息紛紜。聿宣禮樂。
思其要。拜謁宮牆。尊所聞。我

考四臨行釋奠。

十全大武告成勲。我太宗初創大業。即

行釋奠禮。開創規模。崇文重道。已開大一統文
明景運矣。至我皇考四次躬臨。十全告績。

為古今未有之盛。所以
道統者。心源。緒治法。莫不賅備焉。

爵克勤郡王園寢宗臣感

聖德。定議衆會。同幹國獨揚烈。抒謀更効忠。定基

祖嘉納復號

考慈充園寢親臨奠永懷帶礪功克勤郡王岳託禮

天命十一年八月太宗有聖德告其父曰國不可一日

無君吾夙志也四目勒才德冠世當速繼大位其父

嗣位天聰時奏請善撫降人及於山海關通州

燕京三處急取其一以定五基太宗嘉納

崇德三年命為楊威大將軍與睿親王分

道征明所向克捷以疾薨於軍太宗震悼

七年朝三日聖祖為立碑紀功乾隆四十二年以

王後改稱平郡王復還御崇政殿恭依

原號並配享太廟

皇考元韻太和

受璽典殊常。崇政臨朝集福祥。丙辰元旦。我

授寶璽。予祇受後。行九叩禮。旋御太和殿。登極。為千古以來授受未有之典。至盛京崇政殿。乃

我考每至盛京。宗肇基紹統。莅政正朝。皇

蹕東來。就列行禮。距今已二十餘載。茲躬莅陪

都展謁。三陵後。初御斯殿。追維皇考付畀深

思。緝構艱難。眷昭來葉。彌念我皇。前歲時

殷敬。舊國瞻依。欽繼述新恩。敷錫樂繁昌。寸心

乾惕期無忝。王業艱難曷敢忘。景仰

先皇繼

前烈敬誠宥密旰宵憂

降旨免奉天所屬州縣錢

糧皇清根本地億萬聚軍民賜餉施恩普免租

錫惠均十行下寬大二府救饑貧

考澤敬宣布四巡典故循

大政殿大政據當陽十

亭兩翼張八旗皆世胄一室匯宗潢協力丕基

建同心偉績揚思艱懷

祖烈黽勉迪前光

殿在大內宮闕之東崇德二年建國初視朝之大殿也前列亭左右

各五。為宗室王貝勒及
八旗大臣議政之所。

迪光殿敬紀別殿新

成仰

皇考斯干叶吉丙寅年不雕不繪材宜獲如竹如松

角有挺勉迪

朕光求世德敬思

遺訓凜心傳故宮莅止瞻

宸翰愴念承

恩廿載前。殿為乾隆丙寅年所構。緣北間崇政殿為
正中臨朝之所。其後鳳凰樓。清寧宮。為祀

神之處皆不可居。因於崇政殿西廂隙地。別築此為憩息之所。規制儉樸。一遵家法。

顏曰。迪光。仰見我皇考錫名。闡義允迪。前光欽承。謨烈於勿替焉。保

極宮述志

聖皇思保極宮。額萬年垂。慎德惟懷。永居安敢忘聲。

危守成遵

往訓念典。溯前規。堂構臺繩。繼瞻楣。誦

御詩。繼思齋敬。述繼統。慎思

考垂則。陪京臨莅。倍繫心。緬懷

定鼎隆基肇。益勵守成王業欽。追溯瓊源徵有本。祇

承

寶命凜難謚。

寢興福地昭悠久。若見

羹牆感慕深。嘉蔭堂

考額堂楣曰嘉蔭。茂苞奕禩永昭垂。

聖人錫福澤悠久。文治光華煥四維。丈溯閣

開基瞻奮武。

治世仰崇文。道繼百王貫。書成四庫分。凌雲燦霄漢。
排架列絃芸。敬溯趨庭。

訓。殫心尊所聞。仰熙齋。

御極六十年。治功浹海宇。培養樂恬熙。承

恩沐多祐。憶昔癸卯秋。隨

鑾莅茲土。今來心愴然。瞻雲失

恃怙。景仰勉敬勤。覃敷

遺惠普。錫賚遍軍民。戶口倍生聚。
盛京地土豐腴。承平日久。居民益微。

繁庶。且以皇考。列聖睿謀。培養本源。至深且厚。至我。治功決於海宇。胞與為懷。而於。堂。舊都。則。春予。賜。復。愷。澤。頻。施。尤。屬。有。加。無。已。是。以。茲。地。軍。民。戶。口。比。屋。恬。熙。風。氣。淳。樸。以。視。歌。風。沛。上。議。復。南。陽。誠。不。足。同。年。而。語。矣。舊宮再述。蹕莅奉。

天舉盛儀。凜承。

考訓固丕基。守成保泰思其慎。

肇造辛勤念在茲。土壁葛燈常景仰。

祀杆

神幔永昭垂。典章欽奉休更易。敬告大清奕葉知。

盛京迴蹕即事成付上儀既歲薄言歸拂曙鳴
鞭別舊聞廿載繁懷六日駐

三陵迴望五雲飛永思東土瀋遼邑遍覽西成奉錦

畿再蒞應攜諸子至心傳繼述慎幾微謁陵禮歲

蒞止陪都駐蹕六日中敬視壇廟故

宮祀神以及恭瞻先世遺蹟設朝宴

賚諸上儀次第畢舉秩宗告成茲於本日旋蹕

因思周家於豳岐舊跡形之雅頌者所以詔後

人不忘先烈也我朝遼瀋開基亦猶是耳是宜

令後之人身至其地以觀前人啟宇規模

則當日之盛德大業較簡冊之見聞尤為

賅洽嗣後再舉此典時當攜兒輩同行俾與觀

舊京浮樸以敬溯肇造鴻圖且亦我皇考身教昭謀所當則做者也柳河

溝即景曙色熹微上遠林清霜滿野薄寒侵地
多沮洳浮梁接潦淨荒洲秋已深拂馬蕭疎
黃葉落凝眸寥濶綠田收觀民省歲欣豐稔布
澤施仁巡典修恭依

皇考望醫巫閭山三依

皇祖元韻元韻高秋遠天淨極目碧芙蓉列岫森千
尺層巒疊萬重霞光翻衆壑海影印羣峯削芳

崖端石鬱蔥。澗底松東瀛。昭啟運。

北鎮古登封。王氣連長白。祥輝接岱宗。霧沈知隱
豹。雲起想從龍。無暇遍登眺。神馳浩蕩胸。重
經松山杏山敬紀。承疇一見識。

真主。

天與人歸正統開。策馬坡陀經故壘。艱難。

肇造版圖恢。

祖武昭垂遺蹟存。十三萬衆望風奔。孫臣安享昇平。

業。彌稟持盈念本原。重陽日作故里言歸逢。
菊節降原陟嶽遍登高。西開關塞排羣岫。南望
滄溟湧巨濤。寥濶青霄翔雁字。翩翻黃葉點征
袍。長途控轡觀澄景。納稼連村淨遠臯。入山
海關出關七月季。秋旋堂啟清宜暫解韉。東土
繫心懷。

駿烈。西成在目獲原田。山容澄澈排高宇。海氣滄茫
接遠天。守德由來勝守險。一家中外稟仔肩。

海神廟拈香

考建

神祠渤海濱。辦香虔禮展精禋。安瀾遍沐平成福。
恬浪咸霑化育仁。薄霧籠庭含遠甸。靈風拂旆
映重闌。試登傑閣舒瞻眺。浩渺滄波欲問津。
觀海登樓舒遠目。大海接高旻。始信天無際。方
知地有垠。歸墟宏量廣。重潤瑞符陳。委水滄溟
合。朝宗江漢循。鯨宮隱雲霧。蛟室失昏晨。浩浩

經千劫。湯湯歷萬春。明霞建赤幟。皎旭浴朱輪。
宇宙一坏土。提封九點塵。欄邊潮蕩激。烟外島
嶙峋。滉漾浮青嶂。微茫指碧津。求仙鄙炎漢。泛
渚笑嬴秦。妄想山多藥。侈談闕似銀。禽填盡虛
誕。蠡酌總愚囂。迴憶年華舊。今來歲月新。隨
鑿尾清蹕。溯典舉時巡。益切持盈志。八瀛被化淳。
澄海樓聯句敬依

皇考禁體元韻有序
乾隆八年癸亥冬十月既望

皇考自咸京展謁

祖陵還京道入榆關登樓望海是時雪霽波澄因仿
歐陽修詠雪詩體凡字畫涉水部者禁不用與
張照梁詩正聯句迨後甲戌戊戌癸卯三度過
此皆命侍臣賡和一如前例煌煌

聖製允與於廓靈海同其廣大矣予小子勉紹

洪猷憲章

前典諏吉於乙丑秋七月恭詣

三陵九月禮成旋蹕臨蒞斯樓仰瞻

天藻

咸韶在耳

奎畫如新亦命尚書戴衢亨侍郎趙秉冲依體疊韻

敬和

堯章雖未免於望洋或庶幾於學海云爾

卯秋昔扈侍睿歌耳敬傾

天葩瞻永煥乾隆

癸卯秋恭侍

皇考四詣盛京

迴蹕經此爾時登樓望海躬覩石

墨聯吟極層
魁之威馬

坎德盅不盈。歸然級更拾。廓如目重營。
文中子目

營四
海。纖蘿靜鮫室。
臣戴衡亨

樽桑麗輦。羹一勺未可量。無際莫與京。點螺山

闖碧。

飄芥舟程更。
海舶以行程為更。或千里數百里為一更。幻市孰架

構。靈居誰支擎。豈伊神仙窟。
臣趙秉冲

獨向盤首嶢。三千里一越。十二樓五城。說自莊

列創

誕遂羸劉并。那知神禹功。朗若三光明。枝分

別歧幼。

管子管仲對桓公曰。水別於他水。入於大水及海者。命曰枝。又山海經有

岐海幼海少海。臣戴衛亨

胼胝勤控振。幹運地軸轉。噓噏需車轆。屑雨火

井威。

焚雪鹽田成。慕化遞馴雉。負穢戕狂鯨。被除

魚龍宅。

臣趙秉冲

迸茁珊瑚英。羣鷗舞嶼下。孤鶴摩天晴。維時際
攀斂。

咽露無蜚蜻。瓦霜華荻荻。島旭丹熒熒。登豐

率土樂。

衛亨臣戴

望遠東雲呈。緬惟萬方協。端在百度貞。懿茲三

五德。

大志經云。海有三德。海志又云。海有五德。

憬彼星日。

行。

談藝錄。顧諱使高麗。問海路於周捨。周捨曰。晝則揆日而行。夜則

考星而洵。

遵

典擴壯觀。繼聲細推評。賦僥小言媿。
臣趙秉冲

歌。醵大風生。億年此關塞。四壁輝瓊瑩。廣輪遍
苞括。元會欽式程。秦皇島。曙霞層疊海天長。
小島相傳駐始皇。遺蹟至今存志乘。求仙自古
總荒唐。東瀛浪說木公宅。北渚空瞻帝子鄉。鍊
氣駐顏皆誕妄。存心養性勝丹方。題夷齊廟
四景。孤竹名因伯叔留。允宜俎豆祀千秋。昭垂

大節馬前諫。內省得仁匪外求。孤竹一語能傳

今古名。魚稱伊吕片時榮。堂顏揖遜心欽慕。想

見當年友愛情。揖遜堂蕊鬱喬枝形屈蟠。天濤颯

爽翠雲端。叢祠嘉樹人常撫。直幹高風憶二難。

屈蟠松。旋蹕重來駐舊城。登臺景仰聖之清。地靈

人傑終難泯。青實無慚必得名。清風臺撫夷齊

廟偃松有感。古廟偃松樹。風霜歲月驚。乾隆甲

戌年。

繪圖灑仙露戊戌癸卯

再疊吟。題頭細字布。憶昔曾拜觀。賡韻塗鴉附。倏忽

廿春秋。重莅離宮駐。展卷誦

天章。未竟淚如注。松砌影依然。

椿定欵。慈慕永念培植。

恩常寸。本銀固。過豐潤縣。候轉元冥。易秋令。歸途

喜。見好。西成。豐收禾黍。萬民樂。潤遍郊圻。衆植

榮。地近。

橋山增永慕。天澄曠野暢時晴。經臨縣邑垂鞭過夾
路。扶鵠父老迎。至隆福寺行宮作行宮南向
枕崇椒。舊邑歸來計里遙。北嶺含雲容漠漠。西
風吹柳影蕭蕭。舫開天半臨青嶂。亭建峯巔麗
紫霄。昧爽

五陵申拜奠。水源木本感

恩饒。恭謁

孝陵。

世祖定天下。龍興寶命延。

一麾瞻出震。億載永基

乾。福蔭松楸茂。祥徵瓜瓞綿。元孫承

渥澤泣拜致寅虔。恭謁

景陵六十年久。丕基定本根。治功兼

創守。仁德徧乾坤。赫濯

聲靈著。顯承

謨訓存。貌躬欽紹述。誠敬緬

先言

恭謁

裕陵呼搶嗟何及

音容七載違。感深風木颯。痛付淚泉揮。

恩澤心常慕。形神無所依。終天永抱恨。秋宇渺

春暉。獨樂寺小憩。薊城獨樂古招提。欲問茶禪駐

馬蹄。旛影高翻經閣迴。雲光輕度女牆低。峯巒

遠列盤山北。甸野平開白澗西。秋往冬來近京

邑。田間麥色綠將齊。燕郊行宮即景大野西。

風拂面寒。和門迎駕。肅千官。層霄高朗。雲霞淨。
廣甸充盈。禾黍擗。遍覽田功。五穀稔欣。承巡典。
庶民觀。勅幾餘暇。玉泉煮檢點。詩囊百首看。
盛京迴蹕還宮之作展謁

三陵兩月程。留都旋蹕莅神京。肇基東藩思
開創。建極北燕念守成。慎德敬修勉繼統。
傳心虔奉凜持盈。時巡事歲告

原廟。保泰殷懷。肇大清。嘉慶乙丑初冬吉日。御筆鈐

寶二嘉慶

後幅臣工恭跋

臣聞推本功德。依永和聲。使千載下如見先王之遺風者。惟詩為能。三百篇中事莫盛於幽岐。道莫隆於雅頌。然而鋪張鴻庥。導揚景鑠。類皆臣下歸美之辭。若以

聖文而紀

世德思

創造之艱難凜

守成之不易

先聖

後聖同符合揆事超乎簡牒

文煥於儀璘所由襲六經而為七也欽惟我
皇上純孝至誠報本追遠念

盛京為肇造區夏始基

御極十年敬舉上

陵之典。自乙丑秋七月戊辰。

啟輝至九月壬申。

迴鑒。閱六旬有五日。得詩百五篇。

御書成帙。

命臣等敬觀恭跋於後。臣等跼讀繹思。心悅誠服。
仰見我

皇上欽承孝慕。情深意摯。式萬禩而光千古也。昔
我

聖祖三謁

橋山

高宗四舉

惇典並垂

鴻製用紀盛儀

皇上於癸卯之秋。扈侍瞻禮仰荷

聖慈篤眷默告

三陵

心傳密印

皇上奉

命恭錄

天章廣和殆無遺什其載在

味餘書室全集者已不啻書萬本誦萬遍矣今
茲

躬詣陪京

御製盛京頌八章以上媿

聖製盛京賦而

鑒輅所臨

法宮攸蒞凡夫

升香展禮之文行慶施惠之事以及

撫舊蹟而念

先型莫不志以

篇章積為卷冊其中

命題紀事多本

亮章恭和

元音長言咏歎尤以

繼聲為繼

志至夫

詠薩爾許松杏山之戰則整旅按營臨衝崇墉不

足喻斯

神武也甲冑弓矢之留貽土壁糠粃之淳古則取厲

取銳匪屠匪康不足喻斯

餘也。疊道柳溝之濬泊則作屏苗。爵修平灌。柳之隆軌也。

慢

杆之建置則執豕酌匏飲食君宗之前典也。

崇政

大政之

臨御則路寢靈臺之雝肅也。

樂思

迪光

崇謨

文湖之

瞻企則卷阿馮翼孝德優游伴與也

表元臣宿將之舊勲則後先奔奏疏附禦侮之蹶
生也

嘉朝鮮蒙古之接覲則自西自東自南自北之無
思不服也

誨示宗親

蠲租賜復則行葦之忠厚既醉之太平也

望醫巫閭

觀海諸

鉅什則崧高梁奕疆理南海之雄觀也歲事告成
薦

展恪則孝思不匱之極則也我

皇上稱述

祖德闡釋

謨烈既以

頌賅之而大經大法庶事百度之敷陳又以

百五篇之詩析之蓋淵淵乎大雅之體大物博矣

臣等禱昧淺陋日近

清光恭讀

睿製發抒

紹

聞衣德之誠而

行殿幾餘

宣毫研露細書不下數萬言益仰

敬勤無逸所以承

先啟後者

大聖人之聲律身度迴出尋常萬萬也臣等敬謹

捧閱熟讀深思曷勝欽服榮幸之至臣朱珪

臣戴衡亨臣趙秉冲臣黃鉞拜手稽首恭跋

鑒藏寶璽寶笈三編石渠寶笈所藏嘉慶御筆之
寶養心殿寶

御筆盛京頌一冊

本幅紙本。摺裝六幅。皆縱七寸九分。橫九寸八分。

御筆楷書。

盛京頌有序。我大清發祥長白。開萬禩之丕基。

太祖定都瀋陽。肇億齡之景運。

太宗繼統式廓。

鴻猷

世祖入關燕京定鼎遂以盛京為留都五部八旗敬

循成憲

聖祖三謁

珠邱

世宗曾奉

命往謁

皇考四詣陪京聿昭

誠惻癸卯秋巡

攜予小子及成親王慶郡王周歷川原展謁
陵寢

登寶勝寺西閣敬觀

弓鉞

垂訓諄諄

莅清寧宮遍撫舊蹟艱難

祖業永守毋忘

垂涕泣而宣諭併示以祀

神幃幔不可更易子臣敬領

訓言心欽誠服歲乙卯季秋三日

宣諭立儲敬悉癸卯秋巡

默告

三陵迴思屢奉

恩諭益增悲戀之忱彌切捧盈之懼自

授璽親政以來已閱十載尚未躬謁

祖陵虔申孺慕。今歲涓吉孟秋。出關遵路敬謁。

永陵次謁

福陵

昭陵至陪都典禮既成。臣民胥樂。茲將旋蹕。作頌八

章。章八句。用誌盛儀。誕敷

先澤。期予子孫永綏。皇祚惠我無疆。曷其有極。頌曰。
天佑皇清。萬年景運。

天命

天聰龍興迅奮一怒入關

宣昭義問艱哉守成欽承

考訓一章。於鑠盛京瀋陽作邑久道化成旗民和

輯我

考四臨湛恩遍及受璽承基星霜歷十二章。歲建

乙丑月惟仲秋上

陵典舉舊章率由興京駐轡展禮

珠邱水源木本世德作求三章。三關言旋

二陵在望。蔥鬱松楸。連延峯嶂。祀事敬修。於昭

鴻臚。遂莅法宮。聿陳仙仗。四章。門煥大清。殿瞻崇

政。層樓迴標。十亭相映。正寢清寧。基福錫慶。土
壁葛燈。起慕起敬。五章。祀

壇告

廟御殿詔宣。蠲租免賦。溥澤肆筵。

冠服

弧矢夾葉。敬傳引之。勿替子孫。慎旃。六章。

世德舞

陳洋洋濟濟。巡典慶成。布德修禮。旋蹕京都。紫
心舊邸。皋應晨開。康莊曉啟。七章

考賦盛京

天文研鍊。閨澤渥施。延洪
錫羨。渺躬繼繩。寸忱感懋。

祖業常懷。永承

吳眷。八章嘉慶乙丑初冬吉日御筆鈐寶二嘉慶

後副葉

皇子恭跋

洪惟我

大清受命於

天

發祥東土。朱果邁於殷商。白山甲午華嶽。

太祖

太宗撥亂反正。肇基瀋陽。功誠茂矣。

世祖定鼎燕京。控馭海寓。

重熙累洽

聖

聖相承

功德巍煥。中外乂安。實為前古史冊所不能及。逮我
皇祖高宗純皇帝。揚

烈觀

光。四詣陪都。恭謁

祖陵。流覽山川。抗懷今昔。

天章炳煥燦若日星而盛京賦一篇洋洋數萬言繪
幽岐之舊蹟誌豐鎬之遺徽尤非三都兩京
誇多鬥靡所能擬議我

皇父

踐阼十年首舉

東巡之典

珠邱

展謁用申

率舊之誠觸景憶吟親揮

宸翰伏讀

御製盛京頌八章仰見我

皇父

至孝達乎

天

祖

大德發為文章。

默告自癸卯之秋中。

躬巡值乙丑之閏後敬瞻

宮闕彌切

繼繩撫

弓鉞而識

創業之艱難觀

衣冠而思

貽謀之遠大。

詞旨紀實

志本崇

先述

祖德而

教言如聞俊懶矢

孝思而垂教永慕羹牆巍巍乎蕩蕩乎信足繼典
謨而昭

作

述與雅頌同被休和矣。子臣等欣觀

天藻。管窺蠡測。莫罄形容。謹拜手稽首。恭綴蕪詞。

以誌歡忻。抃舞之誠焉耳。子臣綿寧。子臣綿

愷。恭跋鈐印。二子臣綿寧敬書。

鑒藏寶璽。寶笈三編。石渠寶笈所藏。嘉慶御筆之
寶。養心殿寶。